

MISSÆ PROPRIÆ
ECCLESIAE CATHEDRALIS
ET DIOECESIOS
HILDESIENSIS

Die 22 Ianuarii

S. EPIPHANII

Episcopi et Confessoris

Patroni minus principalis Ecclesiae
Cathedralis et Dioeceseos

III classis

Missa Státuit, de Communi Confessoris
Pontificis 1 loco.

Et fit Commempratio Ss. Vincentii et
Anastasio Martyrum, ut in Proprio
Sanctorum.

In Cathedrali dicitur Credo.

Die 3 Februarii

S. ANSGARII

Episcopi et Confessoris

III classis

Missa Státuit, de Communi Confessoris
Pontificis 1 loco, præter Orationem
sequentem:

Oratio

Deus, qui multitudinem populorum
beati Ansgarii prædicatione et mirá-
culis evangélii luce dignátus es illustrá-
re: concéde propítius; ut, cuius gloriámur
exémplis et méritis, eius fulciámur et
précibus. Per Dóminum nostrum Iesum
Christum, Fílium tuum: Qui tecum vivit
et regnat.

Et fit Commemoratio S. Blasii Ep. et
Mart.:

Oratio

Deus, qui nos beati Blásii Mártyris
tui atque Pontificis ánnua solem-
nitáte lætíficas: concéde propítius; ut,
cuius natalítia cólimus, eiúdem étiam
protectióne gaudeámus. Per Dóminum.

Secreta

Sancti tui, quaésumus, Dómine, nos
Subique lætificent: ut, dum eórum
mérita recólimus, patrocina sentiámus.
Per Dóminum nostrum.

Pro S. Blasio

Secreta

Múnera tibi, Dómine, dicáta sanc-
tífica: et, intercedente beato Blásio
Mártyre tuo atque Pontífice, per éadem
nos placátus inténde. Per Dóminum.

Postcommunio

Præsta, quaésumus, omnípotens
Deus: ut, de percéptis munéribus
grátias exhibéntes, intercedente beato
Ansgario Confessóre tuo atque Pontífice,
benefícia potióra sumámus. Per Dñm.

Pro S. Blasio

Postcommunio

Hæc nos commúnio, Dómine, purget
a crimine: et, intercedente beato
Blásio Mártyre tuo atque Pontífice,
cæléstis remédii fáciat esse consórtes.
Per Dóminum nostrum.

Die 15 Martii

S. CLEMENTIS MARIE HOFBAUER

Confessoris

III classis

Missa Iustus ut palma, de Communi Confessoris non Pontificis 2 loco, præter Orationes sequentes:

Oratio

P

Deus, qui beátum Cleméntem Mariám miro fidei róbre et invíctæ constántiæ virtúte decorásti: eius méritis et exémpis fac nos, quaésumus, ita fortes in fide et caritate fervéntes; ut præmia consequámur æténa. Per Dóminum nostrum.

Et fit Com. Feriæ, iuxta Rubricas.

Secreta

P

Ille nos, quaésumus, Dómine, devotiónis ignis accéndat: quo beátus Clemens Mariá, dum salutárem offerret hostiam, iúgiter flagrávit. Per Dóminum.

Et fit Com. Feriæ, iuxta Rubricas.

Postcommunio

P

Cælésti pane reféctis concéde nobis, Omnípotens Deus: ut beáti Cleméntis exémplo, in fortitúdine cibi illius usque ad montem, qui Christus est, feliciter perveniámus: Qui tecum vivit.

Et fit Commemoratio Feriæ, iuxta Rubricas, et legitur eius Evangelium in fine.

Die 26 Martii

S. LUDGERI

Episcopi et Confessoris

III classis

Introitus

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdótii dígnitas in æternum. Ps. 131,1 Memento, Dómine, David: et omnis mansuetúdinis eius. √. Glória Patri.

Oratio

Deus, qui hodiérnam diem sacritissimam nobis in beáti Ludgéri, Confessoris tui atque Pontíficis, solemnitate tribuísti: concéde propítius; ut, qui eius gaudémus méritis, provocémur exémpis, et eius intercessióne véniam et vitam mereámur æténa. Per Dóminum nostrum.

Et fit Commemoratio Feriæ, iuxta Rubricas.

Lectio libri Sapiéntiæ

Eccli. 44, 16-27; 45, 3-20

Ecce sacerdos magnus, qui in diébus suis plácuít Deo, et invéntus est iustus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo iureiurádo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput eius. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini Magnificávit eum in conspéctu regnum: et dedit illi corónam glóriæ. Státuit illi testaméntum æténum, et dedit illi sacerdótium magnum: et beatificávit illum in glória. Fungi sacerdótio, et habérére laudem in nómine ipsíus, et offerre illi incénsum dignum in odórem suavitátis.

Graduale Eccli. 44, 16 Ecce sacerdos magnus, qui in diébus suis plácuít Deo. √. **Ibid., 20** Non est invéntus símilis illi qui conserváret legem Excélsi.

Tractus Ps. 111, 1-3 Beátus vir, qui timet Dóminum: in mandátis eius cupit nimis. √. Potens in terra erit semen eius generátio rectórum benedicétur. √. Glória et divítiae in domo eius: et iustítia eius manet in saéculum saéculi.

Tempore Paschali, omissis Graduali et Tractu, dicitur:

Allelúia, allelúia. *ꝛ*. Ps. 109, 4 Tu es sacerdos in ætérnum, secúndum órdis nem Melchisedech. Allelúia. *ꝛ*. Hic est sacerdos, quem coronávit Dóminus. Allelúia.

In Missis votivis ante Septuagesimam vel post Pentecosten Graduale ut supra, sed, omisso Tractu, dicitur:

Allelúia, allelúia. *ꝛ*. Ps. 109,4 Tu es sacerdos in ætérnum, secúndum órdis nem Melchisedech. Allelúia.



Sequéntia sancti Evangélii secúndum Matthaéum

Matth. 5, 13-19

In illo témpore: Dixit Iesus discípulis suis: Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sie lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre quóniam veni sólvare legem aut prophétas: non veni sólvare, sed adimplére. Amen, quippe dico vobis, donec tránseat cælum et terra, iota unum aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sie hómines, mínimus vocábitur in regno cælórum: qui autem fécerit et docúerit, hic magnus vocábitur in regno cælórum.

Offertorium Ps. 88, 21-22 Invéni David servum meum, óleo sancto meo unxi

eum: manus enim mea auxiliábitur ei, et bráchium meum confortábit eum.

Secreta

Sancti tui, quaésumus, Dómine, nos Subíque lætíficent: ut, dum eórum mérita recólimus, patrocínia sentiámus. Per Dóminum nostrum Iesum Christum, Fílium tuum: Qui tecum vivit et regnat.

Et fit Commemoratio Feriæ, iuxta Rubricas.

Communio Luc. 12, 42 Fidélis servus et prudens, quem constituit d ominus super famfliam suam: ut det illis in tempore tritici mensuram.

Postcommunio

Præsta, quaésumus, omnípotens Deus: ut, de percéptis munéribus grátias exhibéntes, intercedénte beáto Ludgéro Confessóre tuo atque Pontífice, beneficia potióra sumámus. Per Dóminum nostrum Iesum Christum, Fílium tuum: Qui tecum vivit et regnat.

Et fit Commemoratio Feriæ, iuxta Rubricas, et legitur eius Evangelium in fine.

Die 21 Aprilis

S. CONRADI A PARZHAM

Confessoris

III classis

Missa Os iusti, de Comuni Confessoris non Pontificis 1 loco, præter Orationes sequentes:

Oratio

Deus, qui misericórdiæ tuæ iánuam fidélibus patére voluisti: te súpplices exorámus; ut, intercedénte beáto Conrado Confessóre tuo, temporália subsidia nobis tríbuas et ætérna. Per Dñm.

Et fit Commemoratio S. Anselmi Ep. et Doct.:

Oratio

Deus, qui pópulo tuo ætérnæ salútis beátum Ansélmum místrum tribuísti: præsta, quaésumus; ut, quem Doctórem vitæ habúimus in terris, intercessórem habére mereámur in cælis. Per Dóminum nostrum.

Secreta

P

Oblatiónes nostras tibi, Dómine, quaésumus, beáti Conrádi intercessio veneránda comméndet: quem coram tuis altáribus precántem supernórum charísmatum dulcédine recreásti. Per Dóminum nostrum.

Pro S. Anselmo

Secreta

Sancti Ansélmi Pontíficis tui atque Doctóris nobis, Dómine, pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum nostrum.

Postcommunio

P

Súmpsimus, Dómine, tua sancta, beáti Conrádi mérita recoléntes: præsta, quaésumus; ut eius semper et præcláro proficiámus exémplo et fidéli muniámur auxílio. Per Dóminum.

Pro S. Anselmo

Postcommunio

Ut nobis, Dómine, tua sacrificia dent salútem: beátus Ansélmus Póntifex tuus et Doctor egrégus, quaésumus. precátor accédât. Per Dóminum.

Feria IV infra Hebdomadam IV post
Octavam Paschæ
S. GODEHARDI

Episcopi et Confessoris
Patroni minus principalis Ecclesiæ
Cathedralis et Dioeceseos
II classis

Missa Státuit, de Communi Confessoris Pontificis I loco, ut in Communi Sanctorum, præter Orationem sequentem, et in Cathedrali dicitur Credo.

Oratio

P

Deus, qui nos beáti Godehárdi confessoris tui atque Pontificis méritis et intercessióne lætíficas: concede propítius; ut, qui tua per eum beneficia póscimus, dono tuæ grátiae consequámur. Per Dóminum nostrum Iesum Christum, Fílium tuum: Qui tecum vivit et regnat.

Secreta

C

Sancti tui, quaésumus, Dómine, Subíque lætíficent: ut, dum eórum mérita recólimus, patrocínia sentiámus. Per Dóminum nostrum Iesum Christum Fílium tuum: Qui tecum.

Postcommunio

C

Præsta, quaésumus, omnipotens Deus: ut, de percéptis munéribus grátias exhibéntes, intercedénte beáto Godehárdi Confessóre tuo atque Pontífice, beneficia potióra sumámus. Per Dóminum nostrum.

g Solemnitas externa celebratur Dominica V post Pascha. Una Missa, præter conventualem, dicitur de S. Godehardo, dummodo alicubi Festum nobilius non occurrat, cum omnibus Commemoratióibus ritui II classis congruentibus.

Die 27 Aprilis
S. PETRI CANISII

Confessoris et Ecclesiæ Doctoris
II classis

Introitus

Eccli. 15, 5

In médio Ecclesiæ apéruit os eius: et Implévit eum Dóminus spiritu sapiéntiæ et intelléctus: stolam glóriæ induit

eum, allelúia, allelúia. **Ps. 91, 2** Bonum est confitéri Dómino: et psállere nómini tuo, Altissime. **ꝛ.** Glória Patri.

Oratio

Deus, qui ad tuéndam cathólicam fidem beátum Petrum Confessórem tuum virtúte et doctrína roborásti: concede propítius; ut eius exémpis et mónitis errántes ad salútem respíscant, et fidéles in veritátis confessióne perseverént. Per Dóminum nostrum.

Léctio Epistolæ beáti Pauli Apóstoli ad Timótheum

2 Tim. 4, 1-8

Caríssime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus et regnum eius: praédica verbum, insta opportúne, importúne: árgue, óbseca, íncrepa in omni patiéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritate quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim iam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis qui díligunt advéntum eius.

Allelúia, allelúia. **ꝛ.** **Ps. 118. 46** Loquébar de testimoniis tuis in conspéctu regum, et non confundébar. Allelúia, **ꝛ.** **1 Cor. 9, 22** Omnia ómnibus factus sum, ut omnes fácerem salvos, Allelúia.

In Missis votivis per annum dicitur

Graduale Ps. 118, 129-130 Mirabilia testimónia tua, Dómine, ideo scrutáta est ea ánima mea. **ꝛ.** Declarátio sermónum tuórum illúminat et intelléctum dat párvulis.

Allelúia, allelúia. **ꝛ.** **Ps. 108, 30** Confitébor Dómino nimis in ore meo: et in médio multórum laudábo eum. Allelúia.

Post Septuagesimam, omissis Allelúia et Versu sequenti, dicitur

Tractus Ps. 118,104,105 et 158 A mandátis tuis intelléxi, proptérea odívi omnem viam iniquitátis. **ꝛ.** Lucérna pédibus meis verbum tuum, et lumen sémitis meis. **ꝛ.** Vidi prævaricántes et tabescébam, quia elóquia tua non custodiérunt.



Sequéntia sancti Evangélii secúndum Matthaéum

Matth. 5, 13-19

In illo témpore: Dixit Iesus discíplis suis: Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest cívitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvete legem aut prophétas: non veni sólvete, sed adimplére. Amen, quippe dico vobis, donec tránseat cælum et terra, iota unum aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómnes, mínimus vocábitur in regno cælórum: qui

autem fécerit et docúerit, hic magnus vocábitur in regno cælórum.

Offertorium Ps. 33, 12 Veníte, filii, audíte me: timórem Dómini docébo vos, allelúia.

Secreta

Sanctífica, miséricors Deus, hæc múnera tibi obláta, et Ecclésiæ tuæ, beáto Petro intercedénte, unitátis et pacis propítius dona concéde. Per Dóminum.

Communio Is. 12, 3 Hauriétis aquas in gáudio de fóntibus Salvatóris, allelúia.

Postcommunio

Sacrificium, Dómine, quod in honórem beáti Petri Confessóris tui atque Doctóris obtúlimus: fidem nostram, spem et caritátem áugeat, et Ecclésiám tuam nova semper prole lætíficet. Per Dóminum nostrum.

Die 5 Maii

IN DEDICATIONE ECCLESIAE CATHEDRALIS

I classis

Missa Terríbilis, de Communi Dedicatiónis Ecclesiæ, ut in Communi Sanctórum. Et, in Missis privatis tantum, fit Commemoratio S. Pii V Papæ et Confessoris, ut in Proprio Sanctórum; ac dicitur Credo.

Die 12 Maii

PATROCINII BEATÆ MARIÆ VIRGINIS

III classis

Missa Salve, de Communi Festórum Beatæ Mariæ Virginis, præter Orationem sequentem.

Oratio

P

Concéde, quaésumus, omnipotens Deus: ut qui beatíssimæ semper Virgínis Mariæ patrocínio lætámur: eius pia intercessióne et præsidio, ab omni culpæ labe liberémur in terris et gáudiis ætérnis pérfrui mereámur in cælis. Per Dóminum nostrum Iesum Christum, Fílium tuum: Qui tecum vivit et regnat in unitáte Spíritus Sancti Deus.

Secreta

C

Tua, Dómine, propitiatióne et beátæ Mariæ semper Virgínis intercessióne, ad perpétuam atque præsentem hæc oblátio nobis proficiat prosperiátem et pacem. Per Dóminum nostrum.

Præfatio de B. Maria Virg. Et te in Festivátate.

Postcommunio

C

Sumptis, Dómine, salútis nostræ subsídiis: da, quaésumus, beátæ Mariæ semper Virgínis patrocíniis nos ubique prótegi; in cuius veneratióne hæc tuæ obtúlimus maiestáti. Per Dóminum.

Die 14 Maii

SS. PATRONORUM ECCLESIAE CATHEDRALIS

I classis

Tempore Paschali Missa Sancti tui, de Communi Martyrum Tempore Paschali 2 loco, præter Orationem propriam ut infra. Extra Tempus Paschale Missa Intret, de Communi plurimorum Martyrum extra Tempus Paschale 1 loco, præter Orationem propriam ut in Missa sequenti, et dicitur Credo.

Introitus

Ps. 144, 10-11

Sancti tui, Dómine, benedícant te: Sglóriam regni tui dicent, allelúia, allelúia. Ps. *ibid.*, 1 Exaltábo te, Deus

meus, Rex: et benedicam nómini tuo in saéculum, et in saéculum saéculi. *ŷ.* Glória Patri.

Oratio

P

Sancti tui, quaesumus, Dómine, nos Subíque lætíficent: ut, dum eórum festa cólimus, patrocínia quoque sentiámus. Per Dóminum nostrum.

Non fit Commemoratio S. Bonifatii Martyris.

Léctio Epístolæ beáti Petri Apóstoli

1 Petri 1, 3-7

Benedíctus Deus et Pater Dómini nostri Iesu Christi, qui secúndum misericórdiam suam magnam regenerávit nos in spem vivam, per resurrectiónem Iesu Christi ex mórtuis, in hereditátem incorruptibilem et incontaminátam et immarcescibilem, conservátam in cælis in vobis, qui in virtúte Dei custodimini per fidem in salutem, parátam revelári in témpore novíssimo. In quo exultábitis, módicum nunc si opórtet contristári in váriis tentatióibus: ut probátio vestræ fidei multo pretiósior auro (quod per ignem probátur) inveniátur in laudem et glóriam et honórem, in revelatióne Iesu Christi, Dómini nostri.

Allelúia,allelúia. *ŷ.* Sancti tui, Dómine, florébunt sicut lílium: et sicut odor balsami erunt ante te. Allelúia. *ŷ.* **Ps. 115, 15** Pretiósia in conspéctu Dómini, mors sanctórum eius. Allelúia.



Sequéntia sancti Evangélii secúndum Ioánnem **Ioann. 15, 5-11**

In illo témpore: Dixit Iesus discíplulis suis: Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit: mittétur foras sicut palmes, et aréscet, et

cólligent eum, et in ignem mittent, et ardet. Si manséritis in me, et verba mea in vobis mánserint; quodcúmque volúeritis, petétis, et fiet vobis. In hoc clarificátus est Pater meus, ut fructum plúrimum afferátis, et efficiámini mei discípluli. Sicut diléxit me Pater, et ego diléxi vos. Manéte in dilectiόne mea. Si præcépta mea servavéritis, manébitis in dilectiόne mea, sicut et ego Patris mei præcépta servávi, et máneo in eius dilectiόne. Hæc locútus sum vobis, ut gáudium meum in vobis sit, et gáudium vestrum impleátur. **Credo.**

Offertorium Ps. 31,11 Lætámini in Dómino et exultáte, iusti: et gloriámini, omnes recti corde, allelúia, allelúia.

Secreta

Adésto, Dómine, supplicatióibus nostris, quas in Sanctórum tuórum commemoratióne deférimus: ut, qui nostræ iustiíæ fidúciam non habémus, eórum, qui tibi placuérunt, méritis adiuvémur. Per Dóminum nostrum.

Communio Ps. 32, 1 Gaudéte, iusti, in Dómino, allelúia: rectos decet collaudátio, allelúia.

Postcommunio

Quaesumus, Dómine, salutáribus repléti mystériis: ut, quorum solémnia celebrámus, eórum oratióibus adiuvémur. Per Dóminum nostrum.

Die 16 Iunii

S. BENNONIS

Episcopi et Confessoris

III classis

Missa Státuit, de Comuni Confessoris Pontificis 1 loco, præter Orationem sequentem:

Oratio **P**

Deus, qui nos beáti Bennónis Pontíficis confessióne gloriósa circúmdas et prótegis: da nobis et eius imitatio[n]e proficere, et intercessióne gaudere. Per Dóminum nostrum.

Secreta **C**

Sancti tui, quaesumus, Dómine, nos ubique lætificent: ut, dum eórum mérita recólimus, patrocínia sentiámus. Per Dóminum nostrum.

Postcommunio **C**

Præsta, quaesumus, omnipotens Deus: ut, de percéptis munéribus grátias exhibéntes, intercedénte beáto Bennóne Confessóre tuo atque Pontífice, beneficia potióra sumámus. Per Dóminum.

Die 4 Iulii
S. UDALRICI

Episcopi et Confessoris
III classis

Missa Státuit, de Communi Confessoris Pontificis 1 loco, præter Orationem sequentem:

Oratio **P**

Deus, qui cóspicis, quia ex nulla nostra virtúte subsístimus: concéde propítius; ut, intercessióne beáti Udalríci Confessoris tui atque Pontíficis. contra ómnia advérsa muniámur. Per Dñm.

Secreta **C**

Sancti tui, quaesumus, Dómine. nos ubique lætificent: ut, dum eórum mérita recólimus, patrocínia sentiámus. Per Dóminum nostrum.

Postcommunio **C**

Præsta, quaesumus, omnipotens Deus: ut, de percéptis munéribus grátias exhibéntes, intercedénte beáto Udalríco Confessóre tuo atque Pontífice, beneficia potióra sumámus. Per Dóminum.

Dominica 1 Septembris

SOLEMNITAS EXTERNA
SS. ANGELORUM CUSTODUM

Una Missa, præter conventualem, dicitur de Ss. Angelis Custodibus, dummodo alicubi Festum I aut II classis non occurrat. Missa celebratur, ut die 2 Octobris in Proprio Sanctorum notatur, cum omnibus Commemorationibus ritui congruentibus.

Die 17 Septembris
S. HILDEGARDIS VIRGINIS

III classis

Introitus **Ps. 72, 28**

Mihi autem adhærere Deo bonum est, pónere in Dómino spem meam: ut annúntiem omnes prædicatiónes tuas in portis filia[e] Sion. **Ps. 40, 13** Me autem propter innocéntiam suscepisti: et confirmasti me in conspéctu tuo in ætérnum. **∞. Glória Patri.**

Oratio **P**

Deus, qui beátam Hildegárdem Virginem tuam donis cæléstibus decorásti: tríbue, quaesumus; ut, eius vestígiis et documéntis insistentés, a præsentis saéculi calígine ad lucem tuam delectábilem transíre mereámur. Per Dóminum nostrum.

Et fit Com. Impressionis Ss. Stigmatum S. Francisci Conf.:

Oratio

Dómine Iesu Christe, qui, frigescente mundo, ad inflammándum corda nostra tui amóris igne, in carne beatíssimi Francísci passiónis tuæ sacra Stigmata renovásti: concéde propítius; ut eius méritis et précibus crucem iúgiter ferámus, et dignos fructus poeniténtiæ faciámus: Qui vivis.

Lectio Epistolæ beati Pauli Apóstoli ad
Corínthios

1 Cor. 1, 26-29

Videte vocatióem vestram, fratres, quia non multi sapiéntes secúndum carnem, non multi poténtes, non multi nóbiles: sed quæ stulta sunt mundi elégit Deus, ut confúndat sapiéntes: et infirma mundi elégit Deus, ut confúndat fórtia: et ignobília mundi et contemptibília elégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu eius.

Graduale Cantic. 3, 4 et 6, 2 Inveni quem diligit ánima mea: tenui eum, nec dimittam. *¶* Ego dilécto meo, et diléctus meus mihi, qui páscitur inter lília.

Allelúia, allelúia. *¶* Isai. 61, 10 Exultábit ánima mea in Deo meo, quia induit me vestiméntis salutis, quasi sponsam ornátam monílibus suis. Allelúia.

In Missis votivis post Septuagesimam, omissis Allelúia et Versu sequenti, dicitur

Tractus Sap. 4, 1-3 O quam pulchra est casta generátio cum claritáte: immortalis est enim memória illius, quóniam et apud Deum nota est, et apud hómines. *¶* Cum præsens est, imitántur illam, et desiderant eam, cum se edúxerit. *¶* Et in perpétuum coronáta triúmphant, incoinquinatorum certáminum praémia vincens.

Tempore Paschali omittitur Graduale, et eius loco dicitur:

Allelúia, allelúia. *¶* Ps. 30, 22 Benedictus Dóminus: quóniam mirificávit misericórdiam suam mihi in civitáte muníta. Allelúia. *¶* Prov. 4, 9 Lætáre, mater nostra, quia dabit Dóminus cápiti tuo augménta gratiárum, et coróna ínclýta próteget te. Allelúia.



Sequéntia sancti Evangélii secúndum Matthaéum **Matth. 25, 1-13**

In illo témpore: Dixit Iesus discíplulis suis parábolam hanc: Símile erit regnum cælórum decem vírginibus: quæ, accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quínque prudéntes: sed quínque fátuæ, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciéntes sponso, dormitavérunt omnes et dormiérunt. Média autem nocte clamor factus est: Ecce, sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixérunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est iánua. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen, dico vobis, nescio vos. Vigiláte ítaque, quia nescítis diem neque horam.

Offertorium Ps. 41, 2 et 3 Quemádmódu(m) desíderat cervus ad fontes aquárum, ita desíderat ánima mea ad te, Deus. Sitívit ánima mea ad Deum fortem vivum.

Secreta

P

Sanctæ Hildegárdis Vírginis tuæ festa recoléntes, preces offérimus et hóstias immolámus: præsta, quaésumus, Dómine; ut, cum præsidio temporáli, vitæ nobis præbeant increménta perpétuæ. Per Dóminum nostrum.

Pro Impressione Ss. Stigmatum S. Francisci
Secreta

Múnera tibi, Dómine, dicáta sanctífica: et, intercedénte beáto Francíscó, ab omni nos culpárum labe purífica. Per Dóminum nostrum.

Communio Philipp. 1, 20 et 21 Magnificábitur Christus in córpore meo, sive per vitam, sive per mortem: mihi enim vívere Christus est et mori lucrum.

Postcommunio **P**

Perpétuo, Dómine, favóre proséquare, quos réficis divíno mystério: et quos imbuísti cæléstibus institútis: eósdem, intercedénte beáta Hildegárde Vírgine tua, salutáribus comitáre solátiis. Per D.

Pro Impressione Ss. Stigmatum S. Francisci
Postcommunio

Deus, qui mira Crucis mystéria in beáto Francíscó Confessóre tuo multifórmiter demonstrásti: da nobis quaésumus; devotiónis suæ semper exéempla sectári, et assídua eiúsdem Crucis meditatióne muníri. Per Dóminum.

Feria IV ante Dominicam pænultimam
post Pentecosten

S. BERNWARDI

Episcopi et Confessoris
Patroni minus principalis Ecclesiæ
Cathedralis et Dioceseos

II classis

Missa Státuit, de Comuni Confessoris Pontificis 1 loco, præter Orationem sequentem, et in Cathedrali dicitur Credo.

Oratio **P**

Exáudi, quaésumus, Dómine, preces nostras, quas in beáti Bernwárdi Confessoris tui atque Pontificis solem-

nitáte deférimus: et, qui tibi digne méruit famulári, eius intercedéntibus méritis ab ómnibus nos absólve peccátis. Per Dóminum nostrum Iesum Christum, Fílium tuum: Qui tecum vivit et regnat in unitáte Spíritus Sancti Deus: per ómnia saécula sæculórum. **℞.** Amen.

Secreta **C**

Sancti tui, quaésumus, Dómine, nos Subíque lætíficent: ut, dum eórum mérita recólimus, patrocínia sentiámus. Per Dóminum nostrum.

Postcommunio **C**

Præsta, quaésumus, omnípotens Deus: ut, de percéptis munéribus grátias exhibéntes, intercedénte beáto Bernwárdo Confessóre tuo atque Pontífice, beneficia potióra sumámus. Per Dóminum nostrum.

g Solemnitas externa celebratur Dominica pænultima post Pentecosten. Una Missa, præter conventualem, dicitur de S. Bernwardo, dummodo alicubi Festum nobilius non occurrat, cum omnibus Commemorationibus ritui II classis congruentibus.

Die 11 Novembris

Pro Eichsfeldia

S. MARTINI

Episcopi et Confessoris
Patroni principalis loci
I classis

Missa Státuit, ut in Proprio Sanctorum hac die. Omittitur Commemoratio S. Mennæ Mart., et dicitur Credo.

Die 16 Novembris
S. WILLEHADI
 Episcopi et Confessoris
 III classis

Missa Státuit, de **Communi Confessoris Pontificis** 1 loco, præter **Orationem** sequentem:

Oratio **P**

Omnípotens sempitérne Deus, qui hunc diem venerábilem nobis in beáti Willehádi Confessóris tui atque Pontíficis festivitáte tribuísti: fidélium tuórum votis benígnus inténde; ut, eiúsdem intercessióne a cunctis reátibus absolúti, gáudia cónsequi mereámur æténa. Per Dóminum nostrum Iesum Christum, Fílium tuum: Qui tecum vivit et regnat in unitáte Spíritus Sancti Deus: per ómnia saécula sæculórum.

Et fit Com. S. Gertrudis Virg.

Secreta **C**

Sancti tui, quaésumus, Dómine, nos **S**ubíque lætíficent: ut, dum eórum mérita recólimus, patrocínia sentiámus. Per Dóminum nostrum Iesum Christum, Fílium tuum: Qui tecum vivit et regnat in unitáte Spíritus Sancti Deus.

Et fit Com. S. Gertrudis Virg.

Postcommunio **C**

Præsta, quaésumus, omnipotens Deus: ut, de percéptis munéribus grátias exhibéntes, intercedénte beáto Willehádo Confessóre tuo atque Pontífice, beneficia potióra sumámus. Per Dóminum.

Et fit Com. S. Gertrudis Virg.

INDEX ALPHABETICUS

	pag.
Angelorum Custodum Solemnitas externa. Dom. I Septembris	8*
Ansgarii Episc. et Conf. 3 Februarii	1*
Bennonis Episc. et Conf. 16 Iunii	7*
Bernwardi Episc. et Conf. Feria IV ante Dom. pænult. post Pentec	10*
Clementis Mariæ Hofbauer Conf. 15 Marii	2*
Conradi a Parzham Conf. 21 Aprilis	3*
Dedicatio Ecclesiæ Cathedralis. 5 Maii	6*
Epiphaniæ Episc. et Conf. 22 Ian	1*
Godehardi Episc. et Conf. Feria IV infra Hebd. IV post Oct. Pasch	4*
Hildegardis Virg. 17 Septembris	8*
Ludgeri Episc. et Conf. 26 Martii	2*
Martini Episc. et Conf., Patroni princip. Eichsfeldiæ. 11 Nov	10*
Patrocini B. M. V. 12 Maii	6*
Patronorum Ecclesiæ Cathedralis. 14 Maii	6*
Petri Canisii Conf. et Eccl. Doct. 27 Aprilis	4*
Udalrici Episc. et Conf. 4 Iulii	8*
Willehadi Episc. et Conf. 16 Nov	11*

APPENDIX

MISSA INTEGRA

DE SS. EPIPHANIO, ANSGARIO, GODEHARDO, BENNONE,
UDALRICO, BERNWARDO ET WILLEHADO
EPISCOPIS ET CONFESSORIBUS

Introitus Ecc1i. 45, 30

Státuit ei Dóminus testaméntum pacis, et príncipem fecit eum: ut sit illi sacerdotií dignitas in ætérnum. (T.P. Allelúia, allelúia.) Ps. 131, 1 Meménto, Dómine, David: et omnis mansuetúdinis eius. ✠ Glória Patri.

Pro S. Epiphanio
Oratio

Da, quaésumus, omnípotens Deus: ut beáti Epiphánii Confessoris tui atque Pontíficis veneránda solémnitas, et devotiónem nobis áugeat et salútem. Per Dóminum nostrum.

Pro S. Ansgario
Oratio

Deus, qui multitudínem populórum beáti Ansgárii prædicatióne et miráculis evangélii luce dignátus es illustráre: concéde propítius; ut, cuius gloriámur exémpis et méritis, eius fulciámur et précibus. Per Dóminum.

Pro S. Godehardo
Oratio

Deus, qui nos beáti Godehárdi Confessoris tui atque Pontíficis méritis et intercessiόne lætíficas: concéde propítius; ut, qui tua per eum beneficia póscimus, dono tute grátiae consequámur. Per Dóminum nostrum Iesum Christum, Fílium tuum: Qui tecum vivit et regnat in unitáte Spíritus Sancti Deus: per ómnia saécula sæculórum.
✠ Amen.

Pro S. Bennone
Oratio

Deus, qui nos beáti Bennónis Pontíficis confessiόne gloriόsa circúmdas et prótegis: da nobis et eius imitatiόne proficere, et intercessiόne gaudére. Per Dóminum nostrum.

Pro S. Udalrico
Oratio

Deus, qui cónspicis, quia ex nulla nostra virtúte subsístimus: concéde propítius; ut, intercessiόne beáti Udalríci Confessoris tui atque Pontíficis, contra ómnia advérta muniámur. Per Dóminum nostrum.

Pro S. Bernwardo
Oratio

Exáudi, quaésumus, Dómine, preces nostras, quas in beáti Bernwárdi Confessoris tui atque Pontíficis solémnitáte deférimus: et, qui tibi digne méruit famulári, eius intercedéntibus méritis ab ómnibus nos absólve peccátis. Per Dóminum nostrum.

Pro S. Willehado
Oratio

Omnípotens sempitérne Deus, qui hunc diem venerábilem nobis in beáti Willehádi Confessoris tui atque Pontíficis festivitáte tribuísti: fidélium tuórum votis benígnus inténde; ut, eiúsdem intercessiόne a cunctis reátibus absolúti, gáudia cónsequi mereámur ætérna. Per Dóminum nostrum.

Lectio libri Sapiéntiæ

Eccli. 44, 16-27; 45, 3-20

Ecce sacerdos magnus, qui in diébus suis plácuít Deo, et invéntus est iustus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo iureiurádo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput eius. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsíus, et offérre illi incénsus dignum in odórem suavitatís.

Graduale Eccli. 44, 16 Ecce sacerdos magnus, qui in diébus suis plácuít Deo. **¶ Ibid., 20** Non est invéntus símilis illi, qui conserváret legem Excélsi. Allelúia, allelúia. **¶ Ps. 109, 4** Tu es sacerdos in ætérnum, secúndum órđinem Melchisedech. Allelúia.

Post Septuagesimam, omissis Allelúia et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis eius cupit nimis. **¶** Potens in terra erit semen eius: generátio rectórum benedicétur. **¶** Glória et divítiae in domo eius: et iustítia eius manet in saéculum saéculi.

Tempore autem Paschali omittitur Graduale, et eius loco dicitur:

Allelúia, allelúia. **¶ Ps. 109, 4** Tu es

sacerdos in ætérnum, secúndum órđinem Melchisedech. Allelúia. **¶** Hic est sacerdos, quem coronávit Dóminus. Allelúia.

✠ Sequéntia sancti Evangélii secúndum Matthaéum

Matth. 25, 14-23

In illo témpore: Dixit Iesus discípulis suis parábolam hanc: Homo pégre proficíscens vocávit servos suos, et trádidit illis bona sua. Et uni dedit quinque talénta, álii autem duo, álii vero unum, unicuique secúndum própriam virtútem, et proféctus est statim. Abiit autem, qui quinque talénta accéperat, et operátus est in eis, et lucrátus est ália quinque. Simíliter et, qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniam dómini sui. Post multum vero témporis venit dóminus servórum illórum, et pósuit ratiónerum cum eis. Et accédens qui quinque talénta accéperat, óbtulit ália quinque talénta, dicens: Dómine, quinque talénta tradidísti mihi, ecce, ália quinque superlucrátus sum. Ait illi dóminus eius: Euge, serve bone et fidélis, quia super pauca fuísti fidélis, super multa te constítuam: intra in gáudium dómini tui. Accéssit autem et qui duo talénta accéperat, et ait: Dómine, duo talénta tradidísti mihi, ecce, alia duo lucrátus sum. Ait illi dóminus eius: Euge, serve bone et fidélis, quia super pauca fuísti fidélis, super multa te constítuam: intra in gáudium dómini tui.

In Cathedrali pro S. Epiphania, S. Godehardo et S. Bernwardo Credo.

Offertorium Ps. 88, 21-22 Inveni David servum meum, óleo sancto meo unxi eum: manus enim mea auxiliabitur ei, et bráchium meum confortábit eum. (T. P. Allelúia.)

Secreta

Sancti tui, quaésumus, Dómine, nos Subíque lætíficent: ut, dum eórum mérita recólimus, patrocínia sentiámus. Per Dóminum nostrum.

Communio Luc. 12, 42 Fidélis servus et prudens, quem constituit dóminus

super famíliam suam: ut det illis in témpore trítici mensúram. (T. P. Allelúia.)

Postcommunio

Præsta, quaésumus, omnipotens Deus: ut, de percéptis munéribus grátias exhibéntes, intercedénte beáto N. Confessóre tuo atque Pontífice, beneficia potióra sumámus. Per Dóminum nostrum Iesum Christum, Fílium tuum: Qui tecum vivit et regnat.

APPROBATIO

Concordat cum originalibus approbatis.

Hildesii, die 4 Iulii 1951

✠ IOSEPH GODEHARDUS

episcopus Hildesiensis

IMPRIMATUR.

Ratisbonæ, die 3 Augusti 1951

vic. gen. abs.

F. BALDAUF can.